

Resolución da Dirección Territorial da Consellería do Mar na Coruña pola que se comunica o emprego da lista aberta para o incremento do número de cotas de captura para as embarcacións incluídas no Plan de xestión do recurso específico percebe, modalidade dende embarcación, da Confraría de pescadores de Camariñas (en adiante plan de xestión)

ANTECEDENTES

1. Por Resolución desta dirección territorial do 03.12.2021 rematou a elaboración da lista para o incremento do número de cotas de captura para as embarcacións incluídas no plan de xestión.
2. Mediante a Resolución do 09.12.2021, esta dirección territorial fixo uso da lista aberta para o incremento do número de cotas de captura para as embarcacións incluídas no plan de xestión.

Logo de que as persoas armadoras das embarcacións ás que se lle ofertaron as cotas achegaran a documentación correspondente, adxudicáronse catro (4) cotas de captura.

3. A orde do 22 de decembro de 2021 aprobou os plans de xestión para recursos específicos e algas en Galicia para o trienio 2022-2024 (DOG núm. 251, de 31.12.2021) establecendo un número máximo de 20 embarcacións con 44 persoas habilitadas para todo o trienio no plan de xestión.

Na actualidade o número de embarcacións con permiso de explotación autorizadas para participar no plan é de 20 con 43 persoas habilitadas, polo que hai unha (1) cota vacante.

4. Mediante a Resolución do 18.04.2024 actualizáronse as puntuacións da lista aberta e incluíuse a embarcación THIAGO F.P. (CO-4 1247) .

5. Transcorridos máis de dous anos desde a última oferta de cotas e coa aprobación do novo plan de xestión referido no punto 3, procede o uso da lista para cubrir a cota vacante comezando polo primeiro posto desta.

6. O 03.05.2024 esta dirección territorial ditou a Resolución pola que se comunicou o uso da lista e ofertouse a persoa armadora da embarcación CABO VEO CO-4 3-06 a cota vacante.

Transcorrido prazo fixado a persoa armadora non presentou a documentación para obter a cota polo que, de acordo coa Resolución do 03.05.2024, enténdese que non acepta a oferta do incremento de cotas por desistencia.

CONSIDERACIÓNS LEGAIS E TÉCNICAS

1. A Orde do 30 de decembro de 2015 pola que se regula a explotación dos recursos específicos no ámbito da Comunidade Autónoma de Galicia, establece nos artigos 39 a 46 o procedemento

Dirección Territorial da Coruña
Rúa Ramón y Cajal, 2 5º andar (Casa do Mar)
15006 A Coruña
Tel.: 981 182 000
direccionterritorial.mar.coruna@xunta.gal





para o incremento do número de cotas de captura para as embarcacións incluídas nun plan de xestión. No seu artigo 39 establece un sistema de lista aberta para o incremento do número de cotas de captura para as embarcacións incluídas nun plan de xestión na que a orde de prelación das embarcacións virá determinado pola puntuación obtida trala aplicación do baremo previsto no artigo 43.1.

2. As solicitudes presentadas valoráronse de acordo co establecido no anexo I (epígrafes A e C) da Resolución do 4 de maio de 2016, da Dirección Xeral de Desenvolvemento Pesqueiro, pola que se aproba o baremo para acceder ás modalidades de recursos específicos no permiso de explotación das embarcacións, así como para elaborar as listas e actualizar os méritos para o incremento do número de cotas de captura para as embarcacións incluídas nun plan de xestión de recursos específicos, modificada pola Resolución do 18 de maio de 2020, da Dirección Xeral de Desenvolvemento Pesqueiro.

3. As embarcacións admitidas están incluídas no plan de xestión de percebe da confraría de pescadores de Camariñas e cumpriron cos requisitos establecidos para participar no sistema de listas para o incremento do número de cotas de captura do recurso específico percebe (artigos 41 e 42 da Orde do 30 de decembro de 2015).

4. O número de cotas existente na actualidade é inferior ao máximo establecido no plan de xestión aprobado, polo tanto empregase a lista elaborada para ofertar as cotas dispoñibles ás embarcacións de acordo coa orde de prelación nela en base ás puntuacións acadadas. No caso de que unha embarcación seleccionada non acepte todas a/s cota/s ofertada/s, estas pasaran a ser ofertadas ás seguintes embarcacións da lista por orde de puntuación e no caso de que estas figuren empatadas, previamente á oferta de cotas, o empate resolverase por sorteo en presenza das persoas afectadas pola dita situación.

5. No artigo 46 da Orde do 30 de decembro de 2015, régúlase o emprego das listas, as ofertas das cotas e as causas da exclusión das ditas listas, indicando que as persoas que non acepten os incrementos ofertados durante dúas veces consecutivas sen causa xustificada non recibirán unha nova oferta durante un prazo de doce (12) meses.

No caso de renunciaren aos incrementos ofertados durante tres (3) veces consecutivas sen causa xustificada, perderán os seus dereitos e a embarcación quedará excluída da lista por un período de dezaioito (18) meses, podendo solicitar de novo a súa inscrición unha vez transcorrido o dito prazo.

6. A Resolución do 4 de maio de 2016, da Dirección Xeral de Desenvolvemento Pesqueiro, pola que se aproba o baremo para acceder ás modalidades de recursos específicos no permiso de explotación das embarcacións, así como para elaborar as listas e actualizar os méritos para o incremento do número de cotas de captura para as embarcacións incluídas nun plan de xestión de recursos específicos, modificada pola Resolución do 18 de maio de 2020, da Dirección Xeral de Desenvolvemento Pesqueiro, indica:

- no apartado A.3 do anexo I que con carácter xeral, para o incremento, o número de cotas asignadas ás embarcacións estará en función das persoas que teñan enroladas, á vista do rol de despachos actualizado da embarcación coa dotación da tripulación enrolada nela e das certificacións profesionais de cada unha delas e considerarase que o rol de despachos está actualizado á data en que a xefatura territorial comunique o emprego da lista para o incremento de cotas nas embarcacións.
- no apartado A.4 do anexo I que o outorgamento de prazas quedará limitado ao número máximo de tripulantes autorizados/as pola Administración marítima.





7. Á embarcación HERMANOS TRILLO CO-4 – 4-06 non se lle pode ofertar a cota vacante porque xa dispón no seu permiso de explotación de tantas cotas de captura de percebe como tripulantes autorizados de acordo co seu certificado de conformidade.

8. Esta dirección territorial é o órgano competente para a elaboración e o control das listas, así como para a súa actualización e para comunicar o seu emprego de conformidade co establecido na sección 4ª do capítulo III e o artigo 52 da Orde do 30 de decembro de 2015, pola que se regula a explotación dos recursos específicos no ámbito da Comunidade Autónoma de Galicia.

De acordo con todo o anterior,

RESOLVO:

1. Comunicar ás persoas armadoras das embarcacións integrantes da lista aberta para o incremento do número de cotas de captura para as embarcacións incluídas no plan de xestión do recurso específico PERCEBE, modalidade dende embarcación, da Confraría de Pescadores de Camariñas o uso da lista para ofertar unha (1) cota.

2. Ofertar a cota vacante á embarcación que se relaciona a continuación, tendo en conta o número máximo de tripulantes que constan no certificado de conformidade:

EMBARCACIÓN	MATRÍCULA	FOLIO	Nº DE COTAS ACTUAIS	Nº MÁXIMO DE TRIPULANTES (segundo certificado de conformidade)	Nº DE COTAS OFERTADAS
THIAGO.F.P.	CO-4	1247	2	3	1

3. A adxudicación do número de cotas a cada embarcación dependerá do número de acreditacións solicitadas entre as ofertadas, das persoas que teñan enroladas á vista do rol de despachos da embarcación coa dotación da tripulación enrolada nela e das certificacións profesionais. Para a comprobación disto as persoas armadoras das embarcacións seleccionadas disporán dun prazo de quince (15) días hábiles, contados desde o día seguinte ao da publicación da presente resolución para presentar a seguinte documentación:

- Escrito debidamente asinado no que se indique o número de cotas que se solicitan respecto das ofertadas, identificando aos tripulantes para os que se lles expedirá, se procede, a correspondente habilitación de percebe.
- Rol de despachos actualizado da embarcación coa dotación de tripulación enrolada nela.
- Certificacións profesionais que correspondan ás persoas tripulantes enroladas, agás as expedidas pola Consellería do Mar, de ser o caso. A autorización expresa para a consulta destes datos realizarase empregando o anexo X da Orde do 30 de decembro de 2015.
- As embarcacións seleccionadas deberán pagar a taxa correspondente para a expedición dos novos permisos de explotación onde quedará reflectido o novo número de cotas.

O artigo 10 da Lei 4/2019, do 17 de xullo, de administración dixital de Galicia, establece a obrigatoriedade para as persoas traballadoras autónomas de relacionarse a través de medios electrónicos no ámbito do sector público autonómico para os trámites e as actuacións que realicen no exercicio da súa actividade profesional. Por tanto, as solicitudes e a documentación indicada, deberán presentarse por vía electrónica a través do formulario normalizado PX006A (achega de documentación adicional) dispoñible na sede electrónica da Xunta de Galicia (<https://sede.xunta.gal>). Para a presentación das solicitudes será necesario o Documento





Nacional de Identidade electrónico (DNle) ou calquera dos certificados electrónicos recoñecidos pola sede da Xunta de Galicia.

As persoas que dentro do prazo fixado non presentasen a documentación ou do exame dela se deducise que carecen dalgún dos requisitos sinalados na base 1.2 da convocatoria, entenderase que non aceptan a oferta do incremento de cotas por desistencia.

De acordo co disposto no Decreto 425/1993, do 17 de decembro e a Orde do 30 de decembro de 2015, as embarcacións seleccionadas que presentasen a documentación dentro do prazo establecido deberán cumprir ademais cos seguintes requisitos para a obtención do incremento das cotas asignadas:

- a) Non ter sancións firmes en vía administrativa en materia de protección de recursos mariños, pendentes de pagamento.
- b) Que as persoas tripulantes estean en posesión dos certificados profesionais correspondentes.
- c) O/A armador/a da embarcación e as persoas ás que se lles outorgue a habilitación de percebe non poderán ser titulares dun permiso de explotación a pé para recursos específicos, debendo renunciar a este.

As persoas armadoras que non acepten os incrementos ofertados durante dúas veces consecutivas sen causa xustificada non recibirán unha nova oferta durante un prazo de doce (12) meses. No caso de renunciar aos incrementos ofertados durante tres (3) veces consecutivas sen causa xustificada, perderán os seus dereitos e a embarcación quedará excluída da lista por un período de dezaioito (18) meses, podendo solicitar de novo a súa inscrición unha vez transcorrido o dito prazo.

A presente resolución publicarase no taboleiro de anuncios da dirección territorial de A Coruña e na páxina web <http://www.mar.xunta.gal>. A resolución tamén se exporá, con carácter informativo, no taboleiro de anuncios da Confraría de pescadores de Camariñas.

Contra esta resolución, que non pon fin á vía administrativa, poderá interpoñerse recurso de alzada ante o conselleiro do Mar no prazo dun (1) mes contado a partir do día seguinte ao da súa publicación, de acordo co establecido nos artigos 30, 121 e 122 da Lei 39/2015 de 1 de outubro, do Procedemento administrativo común das administracións públicas.

Esta resolución notifícaselle á confraría de pescadores de Camariñas, como entidade titular do plan de xestión de percebe, consonte ao artigo 40 e seguintes da Lei 39/2015, de 1 de outubro.

A directora territorial
M^a José Cancelo Baquero
(sinatura electrónica)





ANEXO I: Lista aberta para o incremento do número de cotas de captura para as embarcacións incluídas no plan de xestión de percebe da Confraría de pescadores de Camariñas

Embarcación	Matrícula	Folio	Embarcación cunha soa cota de captura C.1	Experiencia profesional armador C.2	Habitualidade da actividade pesqueira C.3	Total
CABO VEO	CO-4	3-06	0	4,00	3	7,00
HERMANOS TRILLO	CO-4	4-06	0	4,00	3	7,00
THIAGO.F.P.	CO-4	1247	0	2,40	3	5,40
BELEN M	CO-4	7-04	0	3,20	2	5,20
MARIA DEL PILAR	CO-4	1961	0	3,20	2	5,20
NAUTIL	CO-4	8-04	0	4,00	1	5,00
VERA B	CO-4	610	5	0,00	0	5,00
VILAN UNO	CO-4	1-05	0	4,00	1	5,00
O VULCANO	CO-4	2-12	0	4,00	0	4,00
MAIKEL	CO-4	8-05	0	0,00	3	3,00
O PIRUCO	CO-4	3-13	0	0,00	3	3,00
BARQUIÑA	CO-4	1862	0	1,20	1	2,20
PERCEBEIRA	CO-4	9-04	0	0,20	1	1,20

No caso das embarcacións que figuran empatadas, a orde na que se amosan é simplemente alfabética e non supón ningunha prioridade. Neste caso, previamente á oferta de cotas ás ditas embarcacións, o empate resolverase por sorteo en presenza das persoas afectadas pola dita situación.





Os epígrafes de cada columna son: (de acordo co apartado C do anexo I da Resolución do 4 de maio de 2016, da Dirección Xeral de Desenvolvemento Pesqueiro, pola que se aproba o baremo para acceder ás modalidades de recursos específicos no permiso de explotación das embarcacións, así como para elaborar as listas e actualizar os méritos para o incremento do número de cotas de captura para as embarcacións incluídas nun plan de xestión de recursos específicos, modificada pola Resolución do 18 de maio de 2020, da Dirección Xeral de Desenvolvemento Pesqueiro)

- **TOTAL:** puntos acadados en total.
- **C.1: Embarcacións que só teñen unha cota de captura no plan de xestión: 5 puntos.**
- **C.2: Experiencia profesional no sector da persoa armadora da embarcación.**
Terase en conta que a persoa armadora estivese enrolada como percebeira (con acreditación) en embarcacións que contan coa modalidade nos 2 anos anteriores á data da convocatoria: 0,2 puntos/mes completo
A puntuación máxima total que se poderá obter nesta epígrafe será de 4 puntos.
- **C.3: Habitualidade da actividade pesqueira.**
 - Se a embarcación acredita ter realizado actividade extractiva entre 15-35 % dos días que foron efectivamente autorizados para a extracción dentro do plan de xestión do ano natural inmediatamente anterior: 1 punto.
 - Se a embarcación acredita ter realizado actividade extractiva entre 35,01-60 % dos días que foron efectivamente autorizados para a extracción dentro do plan de xestión do ano natural inmediatamente anterior: 2 puntos.
 - Se a embarcación acredita ter realizado actividade extractiva superior a un 60,01 % dos días que foron efectivamente autorizados para a extracción dentro do plan de xestión do ano natural inmediatamente anterior: 3 puntos,
A puntuación máxima total que se poderá obter nesta epígrafe será de 3 puntos.

